

SCRIPT OF EVENING GOJRI NEWS BULLETIN 19MAY 2025

1700HRS

اونینگ گو جری نیوز بلیٹن مورخہ 19 مئی 2025

یوہ آکا شوانی جموں ہے محمد آسف تے نصرت تیں خبر سنو۔

HEADLINES

۱۔ پارلیمانی معاملات غا وزیر کرن رچی جو غو کہنو ہے جے دنیا ناں یو جانو ضروری ہے جے بھارت امن غی حمایت کرے ور دہشت گردانہ حملہ غو جواب دین غی وی صلاحیت رکھے۔

۲۔ مرکزی وزیر شیوراج سنگھ چوہان غو کہنو ہے جے حکومت غو مقصد ہے جے بھارت خوارک مہیا کران آلو اک مرکز بن سکے۔

۳۔ سرحدی ضلع راجوری تے پونچھ مانہ مشکوک نقل و حرکت غا سلسلہ مانہ تلاشی کاروائی جاری ہے۔

۴۔ جنگلات ماحولیات غا وزیر جاوید احمد رانا نے جنگلی جانوراں ناں بچان غی خاطر گڈیاں ناں چھنڈی دس غے روانہ کیو۔

۵۔ ای پی ایل کرکٹ مانہ اج شام لکھنو سپر جیانت تے سنرلزر حیدرہ باد غے بشکار ایک اہم مقابلو وے غو۔

RIJITU APD

پارلیمانی معاملات غا وزیر کیرن رچی جو غو کہنو ہے جے یوہ ضروری ہے جے دنیا یو جان سکے کہ بھارت امن غی حمایت کرے تے دہشت گردی غے خلاف سختی نال کاروائی کرن غی صلاحیت رکھے وزیر موصوف نے کہیو ہے جے بھارت تمام سیاسی پارٹیاں غا وفود ناں بکھ بکھ ملکاں مانہ ٹور رہیو ہے تاں جے امن بارے گل کی جاسکے اج لہ مانہ اخباری نمائندان سنگ گل کرتا واں جناب رچی جو نے کہیو ہے جے بھارت نے ہمیشہ امن غی حمایت کی ہے اُن نے کہیو ہے وزیر اعظم نریندر مودی نے اپریشن سندور شروع کر غے پہلگام ضلع مانہ پاکستان غی طرفوں تیار کیا گیا دہشت گرداں غے ہتھان بے گناہ لوکاں غا قتل غو جواب دتو ہے کانگریس حمایت غی طرفوں تمام پارٹیاں غا وفود غو انتخاب کرن ور نکتہ چینی کرن بارے پوچھیا گیا اکن سوال غا جواب مانہ کرن رچی جو نے کہیو ہے بکھ بکھ ملکاں مانہ جان آلو وفد پارٹیاں غی نہیں بلکہ اپنا ملک غی گل کرت غو۔ اس سلسلہ مانہ بولتا واں وزیر موصوف نے اس طرح کہیو۔

UNION AGRICULTURE MINISTER

محکمہ زراعت غا مرکزی وزیر شیوراج سنگھ چوہان نے کہیو ہے جے اس مہینہ غی 29 تاریخ ناں وکست کرشی سنکلیپ نامی مہم ملکی سطح ور شروع کی جے گی جھپڑی جے 12 جون توڑی جارہ رہگی واضع رہ جے ملکی سطح غی اس مہم غو مقصد ملک غا کساناں ناں نوی ٹیکنالوجی غے نال نال بیجاں غی بکھ بکھ قسماں بارے جانکاری دینو ہے اج نوی دہلی مانہ اک پریس کانفرنس سنگ خطاب کرتا واں وزیر موصوف نے کہیو ہے جے یاہ مہم ملک غا 723 ضلعان مانہ شروع کی جے گی۔ اُن نے کہیو ہے سٹانس دانان غی ایک

ٹیم 65 ہزار گرایاں مانہ پوج غے کساناں ناں تربیت دے گی۔ اس سلسلہ مانہ شیو راج سنگھ چوہان نے اس طرح کہیو۔

SEARCH OPERATION

حفاظتی دستاں نے اج سرحدی ضلعان راجوری تے پونچھ مانہ تلاشی کاروائی شروع کی ہے اس سلسلہ مانہ آکاشوانی جموں غا مہارا نمائندہ نے خبر ٹوری ہے جے گنی رات نوشہرہ سیکٹر مانہ اکن کالسری نے ۳ مشکوک افراد ناں دیکھیو جس تیں بعد حفاظتی دستاں نے رات چریں تلاشی کاروائی شروع کردتی زریعاں نے دسیو ہے جے اواں پونچھ ضلع غاجنگلاتی علاقان مانہ وی حفاظتی دستاں غی طرفوں سانجی تلاشی کاروائی جاری ہے تے مزید تفصیلات غی اجیں ادیک ہے۔

SC JUDGES PENSION

اپنا اک اہم فیصلہ مانہ عدالت عظمیٰ نے اج کہی وے جے عدالت عالیہ غا تمام ججان سمیت ایڈیشنل ججان ناں پوری پنشن تے سبکدوش غو فائدو دو جے گو اس سلسلہ مانہ عدالت غو کہنو ہے جے عدالت عالیہ غا چیف جسٹس ناں سالانہ 15 لکھ روپیہ پنشن گا طور ور دتا جیں غا۔ اس سلسلہ مانہ چیف جسٹس بی آر گوئی تے جسٹس اوجیسٹین جارج مسی ور مشتمل عدالتی بنچ نے کہیو ہے جے عدالت عالیہ غا سکیدوش ججان ناں پوری پنشن غو فائدو دو جے غو۔

KATHUA TIRANGA RALLY

ایک شاندار اتحاد تے حب الوطنی غو مظاہرہ کرتا واں بی جے پی نے اج کٹھوعہ مانہ اپریشن سندھور غی زبردست کامیابی غا جشن مانہ ایک عظیم الشان ترنگا ریلی غو انعقاد کیو آکاشوانی جموں غا نامہ نگار غے مطابق اس ریلی مانہ بی جے پی غا اعلیٰ رہنما تے کارکنان نے بڑی تعداد مانہ شرکت کی جس مانہ کٹھوعہ غو مرکز ترنگا غا رنگ مانہ رنگ گیو ریلی غی قیادت اعلیٰ بی جے پی رہنما ڈاکٹر نرمل سنگھ نے کی، جن غے ہمراہ کٹھوعہ غا ایم ایل اے ڈاکٹر بھارت بھوشن جسرؤتیہ غا ایم ایل اے راجیو جسرؤتیہ تے بیرہ نگر غا ایم ایل اے وجے شرما وی شامل تھا۔ یاہ ترنگا ریلی مکھرجی چوک کٹھوعہ تیں شروع بوغے شہیدی چوک ور اختتام پزیر ہوئی۔ ذرا عابلاغ نال گل کرتا واں ڈاکٹر نرمل سنگھ نے اس طرح کہیو۔

RANA WILDLIFE RESCUE

جنگلی حیات غا تحفظ تے اس ناں بچان غا سلسلہ مانہ جنگلات تے ماحولیات غا وزیر جاوید احمد رانا نے محکمہ غی 10 گڈیاں نانہ جموں مانہ چنڈی دس غے روانہ کیو واضع رہ جے جنگلی حیات بشکار بدتا وا قعیات ناں بچان مانہ اپنو ضروری کردار ادا کریں گی۔ اس موقع ور وزیر موصوف نے مقامی آبادی ناں جنگلی جانوراں غا رویہ تے ان غا حملہ تیں بچن غی تربیت حاصل کرن غی ضرورت ور وی زور دتو ہے جناب راناں نے کہو ہے جے حکومت انسانی تے جنگلی جانوراں غی جان نانہ بچان واسطے تمام لوڑتا اقدام چاربی ہے۔

KISHTWAR BUS SERVICE

اندروال غا ممبر اسمبلی پیارے لال شرمائے اڄ کشتواڑ تیں مڑواہ جان آلاں مسافراں غی خاطر سڑک ٹرانسپورٹ کارپوریشن غی اک گڈی ناں چنڑی دس غے روانہ کیو واضع رہ جے اس گدی غی مدد نال کشتواڑ ضلع غا دور دراز گرایاں غا لوکاں نانہہ اپنا سفر مانہہ متی سوکھت لبے گی واضع رہ جے یاہ گڈی سویر ۶ بجے کشتواڑ بس اڈہ تیں روانہ وے گی تے شامن مڑواہ تیں واپس کشتواڑ جے گی۔ اس موقع ور میڈیا غا نمائندان سنگ گل کرتا واں اندروال غا ممبر اسمبلی نے اس طرح کہیو۔

INTERACTIVE SESSION

اڄ گورنمنٹ ڈگری کالج کشتواڑ غی اینسی سی یونٹ نے ایک دلچسپ ت متاثر کن گفتگو غا اجلاس غو انعقاد کیو جس مانہہ میجر آکاش چکراہورتی مہمان خصوصی تھا اس تقریب مانہہ تقریباً 100 این سی سی کیڈٹس نے پُر جوش انداز مانہہ شرکت کی۔ کیڈٹس نانہہ یوہ موقع حاصل ہوو کہ اپنہاں نے میجر آکاش چکراہورتی تیں براہ راست گل بات کی تے ایک بھارتی فوجی افسر غی زندگی نظم و ضبط تے وطن غی خدمت غا جذبہ غا بارہا مانہہ قیمتی معلومات حاصل کیں۔ میجر چکراہورتی نے اپنا ذاتی تجربات قیادت غا بارہا مانہہ خیالات تے قوم غی خدمت غا جذبہ ور گل بات کی جس کو نوجوان کیڈٹس ور بڑو اثر پیو۔

IPL

آئی پی ایل کرکٹ مانہہ اڄ شام لکھنؤ غا اکانتا کرکٹ میدان مانہہ لکھنؤ سپر جیانت تے سررہ زر حیدرہ باد غے بشکار ایک اہم مقابلو وے غو۔ مقابلہ شام 7:30 بجے شروع وے غو لکھنؤ نانہہ آخری اہم مقابلان مانہہ پُجن واسطے یوہ مقابلو جیتنو ضرورت ہے کیونجے حیدرہ باد پہلاں ہی ٹورنامینٹ وچوں باہر ہو چکی ہے۔ گزشتہ روز گجرات ٹائٹن نے دہلی کیپٹل نانہہ 10 وکٹاں تیں ہرایو تے پنجاب کنگ نے راجستھان رائل نانہہ ۲ دوڑ غا سکور تیں ہرایو۔

ANNOUNCEMENT

آکاشوانی جموں غو علاقائی خبراں آلو شعوبو پلک سویر ۸ بج غے 45 منٹ ور بھارت غی طرفوں شروع کیو گیو اوپریشن سندھور غے متعلق خصوصہ پروگرام نشر کرے گو جس مانہہ سبکدوش برگیڈیر تے دفاعی معاملان گا ماہر وجے ساگر دیمن اپنا خیالات سانجہ کریں گا تمام سامعین ناں اطلاع دتی جے کہ پلک سویر ۸ بج غے 45 منٹ ور اس پروگرام نانہہ ضرور سنیں۔
